

جريدة حاكمية

434

جمعه ايرتسي

نومرو	جمادی لا آخر	سنه	شباط	سنه	صحیفه
۴۳۴	۲۰	۱۳۰۵	۲۰	۱۳۰۳	۴۷۶۲

(اشبو غزته بهر هفته جمعه ايرتسي كونلري چيقار سنه لكي در سعادت ايجون مجديه يكرمي)
 (غروش حسابيله التمش غروشدر طشره لر ايجون اون بش غروش پوسته اجرتي ضم اولنور بهر)
 (نسخه سي ينه مجديه يكرمي غروش اولق اوزره يوز پاره يه هر يرده صايلور درج اولنه جق اعلاناتك)
 (هر برندن بر مجديه اخذ اولنور سنه لکنه مشتري اولق استيانلر عدليه نظارتي دائر سنده كاش)
 (جريده محاكم اداره سنه مراجعت ايلمليدر)

يانيه بدايت محكمه سي جزا دائره سي رياستي مکتب
 حقوق شاهانه ماذونلرندن ساقز تجارت ريشي
 پاسقال افندي يه

يانيه بدايت محكمه سي مدعي عمومي معاونلكي
 جزاير بحر سفيد مدعي عمومي معاوني محمد بکه
 ساقز تجارت محكمه سي رياستي ملغاردوس
 تجارت محكمه سي ريش سابق اشرف افندي يه
 ادرنه استيناف محكمه سي مدعي عمومي
 در سعادت استيناف محكمه سي مدعي عمومي معاونلرندن
 سعادتلو رشيد بکه

در سعادت استيناف محكمه سي مدعي عمومي
 معاونلكي ادرنه مدعي عمومي عزتلو حق بکه
 ادرنه بدايت محكمه سي مدعي عمومي معاونلكي

قسمت ريشي

توجيهات

جزاير بحر سفيد استيناف محكمه سي مدعي عمومي
 ارضروم استيناف محكمه سي مدعي عمومي
 اسبق مصطفي افندي يه
 جزاير بحر سفيد بدايت محكمه سي مدعي عمومي
 معاونلكي مکتب حقوق شاهانه ماذونلرندن
 يوسف رجائي افندي يه

لوله برغوس بدایت محکمه سی ریسی علی رضا افندی به
لوله برغوس بدایت محکمه سی ریاستی قرق کلیسا
مدعی عمومی معاونی صالح افندی به قرق کلیسا
مدعی عمومی معاونی ادرنه مدعی عمومی معاونی
رضابکه

در سعادت استیناف محکمه سی اعضا لغی بک اوغلی
بدایت محکمه سی رئیس اولدکنندن منفصل عزتلو
محمد بکه

چیمد مدعی عمومی معاونی بوردور مدعی
عمومی معاونی حکمت بکه

بوردور مدعی عمومی معاونی چیمد مدعی
عمومی معاونی نامق افندی به

سلیمانیه مدعی عمومی معاونی مکتب حقوق
شاهانه مآذونلرندن حافظ عثمان افندی به

باش مدعی عمومی مایوریت بیله سی قلمی میرلیکی
خلفاندن رجائی بکه توجیه بیورلشدن

قسم غیر رسمی

(مطالعه)

اعلامات نظامیه نك اساس تنظیمی اولان محاکمه

ضبطنامه لری حقیقه بعض مطالعات ناچیرانه بی
حاوی تقدیم قلموب جریده برکزیده محاکمک
۴۱۸ و ۴۱۹ نومرولی نسخه لرینه برج بیورلمق
شرفقه مظهر اولان ورقه حاجانم زیرنده
جنایاتده متهم وشهود و وکیل مداهک صورت
ضبط افاداتجه وارد خاطر اولان بعض مطالعاتک
عرضی وعدایتشم سیدم . اشته و ورقه مله ده
او وعیدی انجازه مسارعت ایده بوره . وارسته
عرض و ابضاح اولدیغی اوزره مسال جنایته نك
درکار اولان اهمیت فوق العاده سی حسبیله بونده
جاری اولان اصول وقواعد قباحت و جنحه
ماده لرنده مرعی اولان اصول وقواعد اصلا قابل
تطبيق وتوفیق اوله مز . چونکه قباحتدن صرف نظر
جنحه نك مستلزم اولدیغی جزانك منتهان درجه سی
اوج سنه اولدیغی جهته فاعل مر تکبیک نك
محکومیتی حالنده بالکزیبی نوعنک بولدیغی دائره
حریت و سربسیتیدن خارج اوله رق حبسخانه
دنیلان بردار ترینده برمدنجک امرارزندکانی ایله
تضییق نفسدن عبارت اولدیغندن چندان اهمیتی
وبحث کتورری یوقدر . فقط موا جنایته دن
مثلا فواران غضبیه بالنهور ایقاع ابدلان بر فعل
قتلک فاعلنک جزا قانوننامه همابونتل بوز یتش
در دنجی ماده سنک فقره اولیسی حکمجه اون بش
سنه کورک جزا سیله محکومیتنی ومله اعلامک
محکمه تمیرجه تصدیقندن صکره علی بلا الناس
تشهیریه تیور بند اوله رق خدمات شاقه ده

استخدامنی و مجرمک من جهة ببولده وجودینک
ساحه مالندن قالدیرلمسنی استلزام ایدرکه بوکبی
حکمرک اعطاسی مکتسی خلعت عدالت اولان
هیئت محترمه حاکمه نك اصول محاکمه جه معین
اولان قاعده و تعریفات داخلنده اجرای تدقیقات
عمیقه و مکمله ایله برابر ارانه اولنان ادله و امارات
واخبار وشهادتک اعطاسی حکم ایچون درجه
کافیده اولوب اولدیغنک وقناعت وجدانیه حاصل
ایدوب ایتیه جک نك بحق تقدیرینه منوط در زیر
تأمین عدل و داد تدقیقات موشکافانه به توقف
ایدر قانونک هر عباره سی متهمک لهنده اولدیغی
کبی از جمله حین محاکمه مدافعه سنه معاونت
ایتمک اوزره متهمه وکیل تعیینی دخی هب بوقاعده
معدله متفرع احوالندر

کله لم اصل مقصده محاکمات جنایته ده متهم ایله
وکیلنک در میان ایده جکری مدافعانک صورت
واضحده ضبطنامه و اعلامده کوسترلمسی
لازمه دن اولوب بعض محالرده اولدیغی کبی بالکزی
(استماع اولندیلر) و یا خود (مدافعه وکیل قانونا
قبوله شایان برمدافعه ده بولنه مدی) تعبیرات
سطحیه سی ایله یکیشدیرمک اصلا جائز اوله میه جنی
مثلو شاهدلرک استماع شهادت لرنده دخی (دائره
استنطاقیه ده کی افاده لرله حضور محکمه ده کی
افاده لری بیننده برکونه تناقض وقوعبولمدی)
بولنده مهم برعباره درجیه صورت شهادتک
مختصراً اولسون کوسترلماسی باعث نقض

اولدیغی جریده محاکمه مندرج محکمه تمیز جزا
دائرة جلیله سنک متعدد اعلاماتیه میداننده در .
کرچه اصول محاکمات جزاییه قانون موقتک
ایکیوز التمش طقوزنجی ماده سی موجبجه رئیس
محکمه شاهدلرک شهادت واقعه سیله افادات
سابقه سی بیننده ظهور ایده یله جک زیاده و نقصانی
وتغییرات و تبدلاتی محکمه کاتبه ضبط ایدیره جک
ایسه ده بوماده نك مدلولاتی حضور محکمه ده
استماع اولنان شاهدک شهادتی افادات سابقه سنه
موافق اولدیغی حالده اوزون اوزادی به
اواقده بی تکرار ضبطه حاجت اولوب بالکزی
بعض نقاط مهمه سنجه ظهور ایده یله جک تغیرات
وتبدلاتک ضبطی و اسباب تغیر و تبدلاتک اکلشلمسی
مقصودینه مبتنی اولدیغی درکاردر . مع هذا جنایت
محکمه سی حضورنده استماع اولنان برشاهدک
شهادت واقعه سیله افاده سابقه سی بیننده مبیانت
وقوعبولماز ایسه شووجهله ضبطنامه و اعلامده
کوسترلمیلدر (فلان شاهدک متهم فلان طرفندن فلان
مخلده شو صورتله ایقاع اولنان شو فعلی مشاهده
ایتدیکنه دائر اوراق استنطاقیه نك . . .
صحیفه سنده مضبوط فی . . . تاریخلو افاده سیله
حضور محکمه ده کی شهادت شفاهییه سی بیننده
برکونامبیانت و تناقض وقوعبولماشدر) اگر مبیانت
وقوعبولمش ایسه دائره استنطاقیه ده کی افاده سنک
برمنوال محرر مختصراً تحریریه « شاهد فلانک

بیورلسنی رجا ایلم هر حالده امر واراده افندمز
حضر نلرینکدر

۱۰ کانون ثانی سنه ۳۰۳

قرق کلیسا سنجاغی بدایت محکمه سی

حقوق قسمی ضبط کتبه سندن

صوفیه لی السید احد

فهمی بن عارف

(محکمه تمیز جزا داره سی)

علامت فارقه تغییر و تحریفنه دائر اولان دعوی
حقوق عمومی دندر حقوق عمومی دن طولایی
مستنطق طرفندن اعطا قلنان منع محاکمه قرار
علینده بدایت مدعی عمومی طرفندن اعتراض
وقوعبوله رق استیناف مدعی عمومی دخی
تحقیقاتک نقصانندن بحکله اکیالی حقوق عمومی
نامه طلب ایلدیکی بر موجب طلب اکیالی نواقص
تحقیقاته هیئت اتهامیه جه قرار ویرلدینی حالده
مؤخرأ هیئت اتهامیه مدعی شخصینک آاده سنه
بناء تحقیقات مطلوبه نک اکیالندن صرف نظر
ایده مز ایسدیکی تقدیرده ویره چکی قرار فسخ
اولنور

حضور محکمه ده کی شهادتندن شو جهتی افاده
مضبوطه سنه مباین بولمعه له اسباب مباین
لدی الاستیضاح شو یولده تصحیح افاده ایلدی
دینلد کدن صکره رئیس محکمه اصول مذکورک
ایکوز یتمشنجی ماده سی موجبجه حقیقده شهادت
ایسدیکی متهمندن مرادی حاضر بالمجلس اولان
متهمیدر دیو شاهدندن وعلهنده سویلیلان شیره
جواب ویروب ویرمیه جکئی متهمندن سوال ایده جک
وبوسوال اوزرینه انه جق جوابلر برکونه کلمات
مبهمه ایله اولیه رق موضوعاً کوس تر یله جکدر
بومعاملاتک منتظماً ایفاسی ایچون کندوسننه
اوراقی حواله اولنان ضبط کاتی قبل المحاکمه
اوراق تحقیقیه بی کوزله کوزدن پکور ملیدر
چونکه اوراق تحقیقیه نک مندرجاتندن معلوماتی
اولیان کاتب اتنای محاکمه ده لزومی لزومسنر
هرنه سویلینورسه ضبط ایتمکه چالیشه جغی
وبوقدر سرعت ایسه انسان ایچون قابل اوله میه جغی
جهتله کاتبک حین تنظیم ضبطده مشکلاته
تصادف ایتمسی طبیعی و بونایچندن اوله رق محاکمه نک
صورت جریانی نقصان ضبط ایلمش اوله جغی
ملاسه سیله بونقصانیتک عندالتمیز اعلامک
نقصنی موجب اوله جغی بدیهیدر • بناء علیه
دکرسزلیکیله برابر تقدیمه جسارت ایسدیکم اشبو
ورقپاره حاجزیده کور یله جک خطیئات قلیه نک
عفو و تصحیح یله جریده فریده لرینک برستونه درج

(خلاصه ماده)

انکله دولتی تبعه سندن موسیو ژوب قونسی بی
اضرار قصدیله مومی البهک الوان مقرره تیرلر ایچون
اتخاذ ایتمش اولدیغی علامت فارقه نک رسمی تغییر
ایدرک استعمال ایلدکری ادما قلنان تیره تجارندن
سالواطورسان ولد اورام ایله سابقای ولد نسیم
وجلون ولد ارسلانک منع محاکمه لرینه دائر بک اوغلی
بدایت محکمه سی مستنطقلغندن ویریلان قرار نامه یه
محکمه مذکوره مدعی عمومی ایلدکنندن مدت قانونیه سی
ظرفنده اعتراض اولتمش و تحقیق اتجه بعض
نواقصک اکیالی دخی استیناف مدعی عمومی ایلدکنندن
مطالعه در میان قلنش اولسیله و طلب مذکور
موافق قانون کورنسیله اولوجهله اکیالی نواقص
تحقیقاته قرار ویرلدکننصرکه مستنطق و وظیفه سی
اعضای هیئندن بر ذات طرفندن در عهده اولنهرق
مدعی شخصی و کیلی بالاستیجواب افاده مضبوطه
سی توسیع تحقیقاته لزوم بر اقدیغی بیانیه بوبابده
کی اوراق بیان مطالعه ضمنده استیناف مدعی
عمومی ایلدکی مأموریت بهیه سنه تبلیغ اولتمسی اوزرینه
مأموریت مومی ایله اادن یازیلان ذیلده کرچه
مدعی شخصی و کیلینک افاده مضبوطه سنده مظنون
علیه طرفندن تقلید ایدیلان مارقه نک اوراق
میاننده کی ایکی نومرولی ورقه یه یاپشدریلان
مارقه ایلدکی و محجوز ارلان ماللر اوزرنده کی
مارقه ده بو ایکی نومرولی علامت فارقه اولدیغی

محرر ایسه ده مذکور ایکی نومرولی ورقه ده کی
علامت فارقه مظنون علیه طرفندن ابراز اولتمش
و تصدیق رسمی به مقارنت ایتمش بر علامت فارقه
اولسنه نظراً بو علامت فارقه غیر مصدقه مدعی
شخصی و کیلینک دیدیکی کی محجوز ماللرک علامت
فارقه سیله مطابق اولسه یله مظنون علیه
امتیازی تحتنده اولوب رسمی عدلیه نظارتی
اوراق او طه سنده کی دفتر مخصوصنه یاپشدریلش
اولان علامت فارقه نک عینی اولوب اولدیغی
و کیل مومی البهک افاده مضبوطه مذکور سیله
اکلاسیله میه جغی بدیهی و بر موجب طلب و قرار
سابق طرفینک دفتر مذکورده کی مارقه لر میعاینه
و محجوز مالک مارقه سیله تطبیق و مدعی شخصی
ایله مظنون علیهک امتیاز تاریخلرنجه اوراق
میاننده کی علم و خبر لرله شهر امانت جلیله سنک جواب
رسمی یینسنده کی مباینیت حل ایله طرفینندن
هانکیسنک امتیازی مقدم ایلدکی تطبیق اولتمش
لزومی باقی بولمسیله علامت فارقه دفتر لری نظارت
مشار ایله اوراق او طه سندن بالجلب مطالعه
و تطبیق اولنقدقه مظنون علیه طرفندن ابراز
اولنوب اوراق میاننده موجود اولان مذکور
ایکی نومرولی ورقه ده کی علامت فارقه نک مظنون
علیهک تحت امتیازنده اولان و مذکور دفترده
بولنان علامت فارقه یه حتماً و لوناً بر مشابهنه
اولیوب مدعی شخصینک تحت امتیازنده بولنان
علامت فارقه رسمیه مشابه اولدیغی و یا لکرم مدعی

شخصی مارقه سنک اورتہ سندنہ کی خاک رسمنک
 ایچندہ کوریلان یلدز کی نقطہ لرینہ اسقانب
 کاغذ لریک موضوع ایدوکی و کرک مدعی شخصینک
 مارقه سندنہ و کرک مظنون علیہک امتیازی تختندہ
 اولان مارقه ایچندہ بولنان یازی ارارندہ کی
 چیچکر یرینہ نقطہ قونلدیغی و اوراق میانندہ
 کی علم و خبر لک تاریخ لری صورت لریک تاریخ لری
 موافق ایسہ مدعی شخصینک امتیاز علم و خبری
 مابہ التقلید اولان علامت فارقه دن اولوب اندن
 صکرہ الیدیغی دیگر علامت فارقه لری امتیاز علم و خبری
 اولدیغی و شہر امانتک جوابی دفتر مزبورہ
 موافق اولوب مدعی شخصینک تقلید اولنان
 مارقه سنک امتیازی مظنون علیہک امتیاز
 ندن مقدم بولدیغی اکلاشلش و شہ حالہ نظراً
 مظنون علیہ مدعی شخصینک تحت امتیازندہ
 اولان مذکور مارقه بی کوروب سورمنی اکلاسد
 قدن صکرہ بویہ بر علامت فارقه دخی کندوسی
 یاشدیر مق فکر یہ بیوک بر حجمہ و بشقہ لونندہ کا
 بکر بر علامت فارقه رسمی و پروب امتیازینی
 المش و بوحیلہ ایہ مدعی شخصینک تحت امتیاز
 ندہ کی علامت فارقه نک یا لک ز اور تاسندنہ کی خاک رسمی
 ایچندہ اولان نقطہ لرلہ اطرافندکی اوفاق چیچک لری
 تبدیل یعنی رسمی تغییر ایدرک استعمال ایلکدہ
 بولنش اولدیغی تحقیق ایش و حرکتی علامت
 فارقه نظامنامہ سنک اون بشنجی مادہ سنہ موافق
 کورنش اولدیغندن بالبحث مذکور منع محاکمہ

رسملری اتندنہ پارس ۱۸۶۷ و لوندون ۱۸۶۲
 عبارہ ورق لری محرر اولدیغی خالدہ مظنون علیہک
 صائمقده اولدیغی تیرہ علامت فارقه سنک بولرہ
 مقابل اولان یرلندہ پارس ۱۸۷۸ و فلیدلقبسا
 ۱۸۷۶ عبارہ ورق لریک محرر بولنش و بوجہ
 ایہ برابر تصاویر و ارقام مذکورہ بی حاوی اولان
 بر مستطیل خارجندہ کی قرمز رنگ بر یرینہ
 قطعاً مخالف اولہرق مدعی شخصیک ککنندہ بر طاقم
 یلدیزلر و مظنون علیہ ککنندہ دخی اسقانب کاغذ لری
 اوزرندہ کی اشکال متنوعہ سنک مرسوم بولنش
 کی احوال علامت مذکور تینک یکدیگر ندن
 بتون بتون فرقی و مظنون علیہک اموال
 محجوزہ سی اوزرندہ کی علامت فارقه نک دخی
 غیر محرف و مغیر ایدوکنی میدان وضوحہ قومی
 و مظنون علیہک منع محاکمہ لری حقدندہ کی قرار
 نامہ یہ مدعی مرقوم طرفندن اعتراض اولنماش
 اولسیدہ میدانندہ اوکی بر تغییر و تحریف اثری
 اولدیغنه دلالت ایدر احوال دن اولوب شو حالہ
 مظنون مرقومک حرکتندہ موجب مسؤلیت بر حال
 کورلماش ایدوکندن اعتراض واقعک ردیلہ
 مارالذکر مستنطق قرار نامہ سنک تصدیقندہ قرار
 یرلدیکی کورنش و اشبو قرارک تمبیراً تدقیق
 استیناف مدعی عمومی طرفندن استدعا و لایحہ
 اعتراضیہ سندنہ اوراق دعوی درونندہ بولنان
 مارقه لر عدلیہ نظارت جلیلہ سندنہ بولنان دفتر
 مخصوص سندنہ کی مارقه لرہ موافق اولوب اولدیغنک

و جز اولنان مالک مارقه سی بویکی مارقه دن
 هانکیسنہ مطابق ایدوکنک تدقیق ایدلدیکی
 و مذکور علم و خبر لردہ کی امتیاز تاریخ لری شہر امانت
 جلیلہ سندن و قوع بولان اشعار جوابیدہ محررقید
 تاریخ لرنده کی مبیانت اوزرینہ اجرای تدقیقات
 اولدیغی اکلاشلدیغندن بحث ایدیلہرک اعتراض
 ایدلش و اشبو نقصانی تدقیقاتک هیئت اتہامیہ
 اعضا سندن مستنطقی در عہدہ ایدہ جک ذات
 معرفتہ اکیالی طلب اولنش اولدیغی بر موجب
 طلب اکیال نواقص تحقیقاتہ هیئت اتہامیہ جہ
 قرار یرلدیکی خالدہ نواقص مشروحہ اکیال
 اولنق سترین یا لک ز مدعی شخصی و کیلنک افادہ سی
 ضبط ایہ اوراق دعوانک بیان مطالعہ ضمنندہ
 اعادہ قلمسی و بر موجب طلب و قرار اکیال تحقیقات
 ایدلکدن صکرہ ارسال اولنق اوزرہ اوراق تکرار
 هیئت اتہامیہ یہ تسیار اولنش ایکن مدعی شخصی
 و کیلنک افادہ مضبوطہ سنہ کورہ توسیع تحقیقاتہ
 لزوم قانونی قلاماش اولدیغندن بحثلہ اوراقک
 اعادہ سنہ قرار و یرلمسی و مطالعات و تدقیقات
 مشروحہ سنہ نظراً مظنون علیہ سالوا طور اسان
 مدعی شخصینک تحت امتیازندہ بولنان مذکور
 مارقه بی کوروب مالنک سورمنی اکلاسد قدن صکرہ
 بویہ بر علامت فارقه دخی کندوسی یاشدیر مق
 فکر یہ بیوک بر حجمہ و بشقہ لونندہ اکا بکر
 بر علامت فارقه رسمی و پروب امتیازینی المش
 و بوحیلہ ایہ مدعی شخصینک تحت امتیازندہ کی

علامت قارهنگ يالکز اورته سنده کی خاچ رسمی
ایچنده اولان نقطه دلره اطرافنده کی اوقاق
چچکلرک رسمی تغییر ایدرک استعمال ایلکده بولنش
اولدیغی تحقق اتمسینه علامت قارهنگ نظامنامه سنک
اون بشنجی ماده سنه توفیقاً مرقوم سالواطوراسا.
نک بک اوغلی بدایت محکمه سی جزاداره سنده
اجرای محاکمه سنه قرار ویرلمی طلب وادعا
قلنش اولدیغی حالده هیئت اتهامیه نک شو
تحقیقاتی اجرایه اماله نظر اعتنا ایله نظارت
جلیله عدلیه اوراق او طه سنده کی دفترلی جلب
ومطالع ایتکدن ومظنون علیه سالواطوراسا.
نک تحت امتیازنده اولان علامت قارهنگ دفتر
مخصوصنده بولن ان رسمی کورمکدن وعلامت
قارهنگ امتیازلرینه موافق اولوب اولدیغی
تدقیق ایلکدن استنکاف اتمی و تغییر علامت جر.
منک تقدیرینه کیرشمیه رک ادعا و اعتراض اولنمیان
تقلیدجهته عطف نظرله ایکی مارهنگ یکدیگرندن
فرقی اولدیغی انبا ومدعی شخصینک منع محاکمه
قرارینه اعتراض ایتامنی دخی تغییر و تحریف اثری
اولدیغنه دلیل عد واحصا ایدرک اعتراض واقعت
ردیله تغییر ادعاسنه قارشو تقلیدک عدم وجودینه
استناد ایتدیریلان مذکور منع محاکمه قرارنامه سنک
تصدیقنه قرار ویرمی مغایر قانون ایدو کندن
بمجلسه مضبوطه مذکور نک فسخی ادعا قلنش
وسالواطوراسان امضاسیله ویریلان لایحه جوابیه
مفادی دخی مدعی شخصینک استعمال ایلدیکی

مارقه لر ایله ککندولرینک امتیازلی وجهله
قولاندقلری مارهنگ لردن لایحه لری زیرینه
یا بشدیریلان برقطعه سنه باقلدیغی حالده براتلرینی
متضمن اولان ادله و امارات تأید ایده جکی بیانیله
اعتراضاتک ردی استدعاسنی مشتمل اولوب محکمه
تمیز باش مدعی عمومیلکی مأموریت علیه سندن
یا زیلان تبلیغنامه ده دخی اشبو اعتراضه اصولی
دائرة سنده جواب ویرلدیکی مذکور مضبوطه
مندرجاتندن اکلاشلش اولدیغنه مین مذکور
استدعایه تمیزک ردی طلب ایدلش اولسیله
اولیاده محکمه تمیزدن صادر اولان قرار بوجه
زیر عیناً درج واسطار قننور

(صورت قرار)

بالجمله اوراق دعوی لدی القرائه تدقیقت تمیزیه
اجرا اولندی تفصیلات مبسوطه دن مستبان اولدیغی
اوزره دعوی مذکور علامت قارهنگی تغییر
وتحریفه دائر و حقوق عمومیه به متعلق اولدیغی
ومدعی عمومی طرفندن مستنطقک منع محاکمه
قرارینه اعتراضاً در میان اولنانه نواقص
تحقیقاتک اجرا واکالی هیئت اتهامیه جه تحت قراره
آلندیغی ونواقص مذکور ایسه شیان دقت
احوالدن بولندیغی حالده مؤخرآمدعی شخصینک
افاده سیله بالا کتفا سالف الذکر حقوق عمومیه
نامنه طلب اولنوب اکالی تحت قراره لسن نواقص

تحقیقاتک عدم اجرایی طرفنه کیدلش ایدوکی
مستبان اولسیله ذکراولن لایحه تمیزیه مندرجاتی
بجا کورندیکندن اصول محاکمات جزایه قانون
موقنتک اوچویز اون دردیجی ماده سنه توفیقاً
مضبوطه مذکور نک فسخته واوراق مرقومه نک
هیئت مذکوریه اعاده سنه اکثریت آرا ایله قرار
ویرلدی

فی ٢٥ ربیع الآخر سنه ١٣٠٥
و فی ٢٨ کانون اول سنه ١٣٠٣

- (بتلیس ولایتی اداره مرکزیه سنه مربوط)
- (اخلاط قضاسی قرارندن کزواک)
- (قریه لی ارتین و او حانسک قتلندن و قره بت)
- (ایله لوندک جرح اولن لرنندن طولایی هیئت)
- (اتهامیه جه اتهام ایدیلان جزیره لی احمد)
- (بن علی و عبده بن عمر و درویش بن علی)
- (و موسی بن حیدر و عبدالرحمن بن یوسف)
- (وحاجی بن یوسفک محاکمه لری حقنده)
- (مرکز بدایت محکمه سی جزا دائره سنک)
- (جنایت درجه سنده طویلان ضبط)
- (ورقه سیدر)

منهم اوقه وور یازار طاقندن اولیوب محل مولدی
اولان جزیره قصیه سنده براوده خیمه نشین
کورد بلان عشیرتندن قرق یاشنده رنجبر
مقوله سندن احمد بن علی و کذکک عشیرت
مرقومه دن خیمه نشین اوتوز بش یاشنده
رنجبر مقوله سندن عبده بن عمر و کذکک
عشیرت مرقومه دن یکریمی ایکی یاشنده درویش
بن علی و کذکک عشیرت مرقومه دن یکریمی
یاشنده رنجبر موسی بن حیدر و کذکک عشیرت
مرقومه دن یکریمی بش یاشنده رنجبر مقوله سندن
عبد الرحمن بن یوسف و کذکک عشیرت
مرقومه دن یکریمی بش یاشنده حاجی بن یوسف
اشبو متمم اصول محاکمات جزایه قانون
موقنتک ایکویز قرق سکرنجی و ایکویز قرق
طقوزنجی ماده لرینه توفیقاً بیک اوچویز بش سنه
قریه سی ربیع الاولنک اون برنجی و بیک اوچویز
اوج سنه مالیه سی تشر بن ثانیه سنک اون
دردیجی تاریخنه مصادف اولان جمعه ایرتسی
کونی توقیفخانه دن بالجلب لسان مادر
زادیلری کوردی لسانندن غیری تکلم و تفهیمه
مقتدر اوله ماری اکلاشلغله قانون مذکورک ایکی یوز
سکسان التنجی ماده سی موجبجه تخلیفی
بعد الاجرا ترجان تعیین قلن ان بتلیسک هرسان
محلله لی اوتوز یاشنده موسی افندی واسطه سیله
لدی الاستیجاب وکیلاری اولدیغی سو یله لر یله

مدافعاتلر نده معاونت ايتمك اوزره محكمه طرفندن خليل افندي درحال وكيل تعيين اولنهرق قانون مذكورك ادماي مفسوخيت حقنده اولان ايكيوز اللى برنجى ماده سى مندر جاتنى اخطاروتفهم قلنديغى ميين طوتيلان ضبط ورقه سى تحت امضايه الدبر لى

ادماي مفسوخيت ايچون معين اولان مدت قانونيه منقضيه اولوب كرك متهملر وكرك مدعى عمومي معاونى جانبنندن برادعا سبق ايتديكنه ميني مرقومونك اجراي محاكمه لى معاون مومى اليك اشارتيله محكمه جه شهر تشرين ثاينسنك يكرمى اوچنجى كونه قراراشدير لى يوم مذكوره رئيس محكمه عمر لطفى افندي محاكمه علميه به مخصوص او طه ده هيئت حاكمه ماصه سنك وسط راسنده واعضا يوسف جيل واويديس افنديلر صاغ واعضا ملازمى احمد لطفى افنديله اعضانك معذرتنه ميني على الاصول حقوق دائره سندن جلب ايديلان اعضا ملازمى ديكر احمد حلى افنديلر صول طرفنده ومدعى عمومي معاونى طلعت افندي جناح ميين وضبط كاتبي عبدالمجيد افندي بسارنده موقع مخصوصلر نده اولدقلى حالده هيئت حاكمه ومأمورين لازمه جنايت محكمه سى وضعينده تشكىل وانعقاد ايتدى

رئيس ايكيوز التمش اوچنجى ماده قانونيه حكومه توفيقاً متهملر ككتور لى لازمك ايتكندن ايكيوز مكسان سكرنجى ماده قانونيه موجبنجه تهتمده

اك زياده ذيمدخل اولديغى اكلانلان احمد وعبداللهدن باشلنيله رق حضور محكمه به چيقار لسون

فرار لر بى منعه مأمور ومحافظ ضبطيه لر دخی اولوجهله متهمون مرقومونى ميداوليه رق حضور محكمه به چيقاروب هيئت پيشگاهنده وصول جهتمده متهملره مخصوص برلى قنیه اوزرينه ومدافعه وكيلى خليل وترجان موسى افنديلر يانلر نده او طور تدبر لى رئيس «خدمه لره» مدعى شخصيلر حاضر ايسه لر كسونلر

متولر ك برادر لى مانوك ومكرو ومدعى مترلنده ومجروحلردن لوند در سعاده كتمكله يكرى قره بت مدعى صفتنده كلوب هيئت حاكمه نك پيشگاهنده صاغ جهتمده برلو قنیه اوزرينه او طور تدبر لى

رئيس «ترجان موسى افندي به» تر جانلق ايچون اصولاً تحليفكزك تجديدى لازمدر اصولنه موافق مجدداً تحليف اولندي

رئيس (خدمه محكمه به) سامعيت محكمه به كلملى ايچون قپولرى ايچكز قپولر اچديريلوب يكرمى اوتوز قدر سامعين ايچرويه كلريله مواقع مخصوصلر نده او طور تدبر

رئيس ترجان واسطه سيله منفرداً «متهمون مرقومونه» اسم وشهرت وسن وصنعت ومحل اقامت ومولد كزى سويليكز انلرده استجواب

ورقه سنه مطابق بر صورتد بشقه بشقه منفرداً جواب ويرديلر

رئيس ترجان واسطه سيله «متهم ووكيلارينه» «مدافعه وحقوق لر بى محافظه جه قانون عدالتك سزه توديع ايلديكى سربسيت داخلنده فقط وجدانك وقانونه لازم اولان رعايتك خلافته وحد وخارجنه چيقلميه جق آداب نقطه سنده كمال اعتدال لسان ايله بيان حال ومدافعه ايتكز ايكيوز آتمش در دنجى ماده قانونيه جمله مندر جاتندن اولديغى توصيه وتفهم ايدهرم

رئيس (مدافعه وكيلنه وترجان موسى افندي به) متهملر علمينه اسناد اولنلان فعل وحركت لر نك واسباب ودلائلك ماهيتنى تعريف ايديه جك وشمدى اوقسه جك اوراقه دقت ايتلر بى متهملره تفهم واخطار كزله برابر سزده دقت ايديكز

رئيس «ضبط كاتبي عبدالمجيد افندي به» اتهام مضبطه سيله اتهامنامه بى جهر اقرائت ايديكز ضبط كاتبيده جهراً اوقودى

رئيس مدعى عمومي معاونك اتهامنامه سب مآلنى ترجان واسطه سيله متهملره بعد التفهم رئيس متهملره اخافه اولوق اوزره مدافعه وكيلنه وترجان واسطه سيله متهملره خطاباً «كزوا كللى آر تين واوحانس ولوند قره بت طاغدن بچدكلى كياهي قريه لرينه نقل ايتكده اولدقلى حالده غصب اموال فكر يله اوزر لرينه بالهجوم تحث

ايدن منازعه ده ايچكز دن احمد تفنكله آر تنى وعبداه دخی اوخانسى اورهرق درحال تلف وسزدن درويش وموسى وعبدالرحن وحاجى دخی سزى تعقيب ايدن ضبطيه لره تشهير سلاح ايتش اولديغى كزادعا اولنيور وشو وجهله حر كا تكزه ده حقكزده كى اخبارات وراپورط مندر جاتنى ومنازعه بى اقرار كز جهتى مداراتهام عدايديلور رئيس «مدعى عمومي معاونى وطلعت افندي به خطاباً» متهملر ك اتهام لرينه سبب اولان ماده بى تشریح وبيان بيور كز

مدعى عمومي معاونى طلعت افندي «اوچوز اوچسنه سى تموزينك بشنجى ججه ايرتسى نهاراً على الصباح كزواك قريه لى آر تين واوحانس ولوند قره بت برمتعاد طاغدن كياهلر بى نقل ايتكده اولدوقلى حالده جزره لى كوچر مقوله سندن اشبو محاكمه علميه او طه سنده متهماً موجود بولنان احمد وعبداه ودرويش وموسى وعبدالرحن وحاجى وديكر مجهول الاسم رفيق لريله برابر مسلمان مرقومون اوزرينه بالهجوم لوند قره بتى جرح ايلدكلى كى بولردن احمدلنده بولنان تفنكى آر تينه وعبداللهده بنه لنده كى تفنكى اوخانس طوغرو اتشليه رك احمدك تفنكى قورشونى آر تيك كو بكي آتته وعبداللهك تفنكى قورشوننده اوخانسك صول ميه سى آتته اصابتله در آن متأثراً تلف ايتش اولدقلى مخبر ماركوس وقزونا درك اخباراتى وراپورط مندر جاتنى ومنازعه بى اقرار لى

دلالتیله تحقق و بونلری دردست ایچون تعقیب ایدن ضبطیه لره دخی تشهیر سلاح ایلدکلی تیین ایتش اولدیغندن هیئت اتمامیه مضبطه سنک تحت حکم و قراره التمسینی طلب و ادعا ایله رم نیکه

ایکیوز آلتش التنجی ماده قانونیه نیک فقره نایه سی حکمنه تطبیقاً شاهد پوصله سنی جانب ریاسته تودیع ایلدی

رئیس (مدعی شخصیه لره) حقوق عمومیه نامنه اولنان ادعایی دکلدیکز بوا دملردن حقوق شخصیه کزه متعلق وقوعبولان دعوا کزی سوبلیکز

مدعی شخصی مانوک مدعی عمومی معاونی افندیکن ادعایانه سنده کوسرلدیکی اوزره اشبو متهملردن احد تفنکله برادرم ارتینی قتل ایتش اولدیغندن ورثه لرینک دیت شرعیه حقوق لرینی وصایتم حسبیه محافظه ایلرم

مدعی شخصی دیگر مکرو اشبو متهملردن عبده تفنکله برادرم او حانسی قتل ایتش اولغله ورثه صغارینه وصایتم حسبیه دیت شرعیه دن طولایی حقوق لرینی محافظه ده بولنورم

مدعی شخصی دیگر قره بت وقومات کونی بن و او حانس و مارکوس هر بریز کندو ترلار بزدن اوت کتورمک ایچون کتمش اولدیغمز حالده آلتی نفر کورد فرار ایدن اوچ نفر رقاسیله برابر ترلایه کلوب او کوز لریمزی کوتورمک فکرنده بولندیلر بزم مخالفت ایتمه مزدن ناشی انلردن بریسی

بکارتفنک اتشلیه رک وجودمه اصابت ایتماسیله همان جملیه سی نالجیق و دکنک ایه شدیدا بنی ضرب ایدوب شدت ضربدن لایعقل بر حالده قالمغله کندمدن خبرم اولماس و انجق کویه کتورلد یکمدن صکره عقم باشمه کلشدر

رئیس استنطاق دائره سنده کی تقریر کزده تفنک بحثی سبقت ایتماش و (بنی صویق قصدنده بولنلریله برابر خنچر و بچاق ایله یارلندم) دیوسو یلش سکر شو مبانیته سبب ندر

قره بت مأمور بن تحقیقیه نیک کویه کلدکارنده عقل باشمه اولدیغی ایچون بلنکه کویلوک اشبارتیه استنطاق دائره سنده اویله جه قیدار ایتش حالبوکه حقیقت حال شمیدیکی دیدیکمدن عبارتدر

رئیس پوصله ده اسامیسی مندر ج شاهد ضبطیه سیداحد و یولادو کزوا کلی قزار و مرکوس و نادر کلشلمی

خدمه اوت کلوب شاهد لره مخصوص اوطه ده موجود لر

رئیس خدمه یه شاهد ضبطیه سیداحدی چاغر کز شاهد ضبطیه سیداحد کلوب شاهد لره مخصوص صندالیه ده اوتوردی

رئیس نمرود طاغنده وقوعبولان جرح و قتلندن و دردستلر ایچون تعقیب ایتش اولدیغکز کوردلرک سزه مقاومتدن طولایی بو کون شاهد صفتیه سزی شو هیئت جلب ایتدی کوردیکیزی و بلدی کیزی هیچ بر طرفه غرض و جایت ایتیه ک و کسه دن

خوف و خشیتده بولتمه رق طوغری سوبلیه جک کززه یین ایده جک سکرز

(مابعدی وار)

اعلان

وانلی نشان ولد مانوق علیهنه اقامه اولنان ضرب دعوا سنندن طولایی لاجل الحاکمه واقع اولان دعوت اوزرینه مرقومک اقامتگاهیی نامعلوم اولدیغی قاضی قریه سی ارمی مختاری نیقوغوص افندی و چیچک پازاری اصنافی و جاملی خان اوطه باشیسی طرفندن و یریلان اوچ قطعه شرحدن اکلاشلمش اولغله معامله تبلیغیه سنک اجرایی بالطبع ممکن اوله مامش و اجرای محاکمه سی ایسه شباط یکرمی بشنجی جمعه ایرتسی کونی ساعت بشده اسکدار بدایت محکمه سنجه محاکمه علیه سنک اجرایی مقرر بولنش اولدیغندن بوم مذکوره مظنون علیهک بالذات محکمه ده اثبات وجود ایتسی و عکس حالنده اصول محاکمات جزاییه قانون موقتک بوزیتمشنجی ماده سی حکمنجه غیباً ایفای معامله اولنه جنجی اصول محاکمه حقوقیه قانون موقتک یکرمی التنجی ماده سنه

غیباً ایفای معامله اولنه جنجی اصول محاکمه حقوقیه قانون موقتک یکرمی التنجی ماده سنه توفیقاً تنظیم قلنان جلبنامه محکمه دیوانخانه سنه تعلیق اولدیغی اعلان اولنور

فی ۱۴ اجادی الاخری سنه ۳۰۵

فی ۱۵ شباط سنه ۳۰۳

زنجیه خدیجه خانم علیهنه اقامه اولان فعل شنیع ماده سنندن طولایی لاجل الحاکمه واقع اولان دعوت اوزرینه مرقومک اقامتگاهیی نامعلوم اولدیغی بلغورلی مسجد امامی طرفندن و یریلان شرحدن اکلاشلمش اولغله معامله تبلیغیه سنک اجرایی بالطبع ممکن اوله مامش و اجرای محاکمه سی ایسه شباط یکرمی بشنجی جمعه ایرتسی کونی ساعت بشده اسکدار بدایت محکمه سنجه محاکمه علیه سنک اجرایی مقرر بولنش اولدیغندن بوم مذکوره مظنون علیهک بالذات محکمه ده اثبات وجود ایتسی و عکس حالنده اصول محاکمات جزاییه قانون موقتک بوزیتمشنجی ماده سی حکمنجه غیباً ایفای معامله اولنه جنجی اصول محاکمه حقوقیه قانون موقتک یکرمی التنجی ماده سنه

توفيقاً تنظيم قلنسان جلبنامہ محکمہ دیوانخانہ سنہ
تعلیق اولندیغی اعلان اولنور

فی ۱۴ جمادی الاخری سنہ ۳۰۵
فی ۱۵ شباط سنہ ۳۰۳

سلامسزده ساکن یازمه جی وارطان ولد عوادیس
علیهنه اقامه اولنسان ضرب و جرح دعواسندن
طولابی لاجل المحاکمه واقع اولان دعوت اوزرینه
مرقومک اقامتکاهی نامعلوم اولدیغی سلامسز
ارمنی مختاری طرفندن ظهر جلبنامہ به شرح قلندر ق
معامله تبلیغیه سنک اجراسی بالطبع ممکن اوله ماش
واجرای محاکمه سی ایسه شباطک یکریمی یدنجی
کونی ساعت بشده اسکدار بدایت محکمہ سنجه
محاکمه علیه سنک اجراسی مقرر بولنش اولدیغندن
بوم مذ کورده مظنون وارطان ولد عوادیسک
بالذات محکمده اثبات وجود ایتسی وعکس حالنده
اصول محاکمات جزایه قانون موقتک یوزیتمشنجی
ماده سی حکمنجه غیاباً ایفای معامله اولنه جغی
واصول محاکمه حقوقیه قانون موقتک یکریمی التجی
ماده سنه توفیقاً تنظیم قلنسان جلبنامہ محکمہ

دیوانخانہ سنه تعلیق اولندیغی اعلان اولنور

فی ۱۴ جمادی الاخری سنہ ۳۰۵
وفی ۱۵ شباط سنہ ۳۰۳

صبری افندی علیهنه اقامه اولنسان حقارت
دعواسندن طولابی لاجل المحاکمه واقع اولان
دعوت اوزرینه مرقومک اقامتکاهی نامعلوم
اولدیغی باب متصرفی سرقومیسرکی طرفندن
یریلان شرحندن اکلاشلش اولنله و معامله
تبلیغیه سنک اجراسی بالطبع ممکن اوله ماش واجرای
محاکمه سی ایسه شباطک یکریمی دردنجی چهارشنبه
کونی ساعت بشده اسکدار بدایت محکمہ سنجه محاکمه
علیهنه سنک اجراسی مقرر بولنش اولدیغندن بوم
مذ کورده مظنون علیهک بالذات محکمده اثبات
وجود ایتسی وعکس حالنده اصول محاکمات
جزایه قانون موقتک یوزیتمشنجی ماده سی
حکمنجه غیاباً ایفای معامله اولنه جغی اصول
محاکمه حقوقیه قانون موقتک یکریمی التجی ماده سنه
توفیقاً تنظیم قلنسان جلبنامہ محکمہ دیوانخانہ سنه
تعلیق اولندیغی اعلان اولنور

فی ۱۴ جمادی الاخری سنہ ۳۰۵
وفی ۱۵ شباط سنہ ۳۰۳

طاشجی یانی علیهنه اقامه اولنسان سرقت دعواسندن
طولابی لاجل المحاکمه واقع اولان دعوت اوزرینه
مرقومک اقامتکاهی نامعلوم اولدیغی اوج دفعه
یونان دولتی قنچلاریه سنه یازیلان جلبنامہ لره و یریلان
راپوردن اکلاشلش اولنله معامله تبلیغیه سنک
اجراسی بالطبع ممکن اوله ماش واجرای محاکمه سی
ایسه شباطک یکریمی یدنجی جمعه ابرتسی کونی ساعت
بشده اسکدار بدایت محکمہ سنجه محاکمه علیه سنک
اجراسی مقرر بولنش اولدیغندن بوم مذ کورده
مظنون علیهک بالذات محکمده اثبات وجود ایتسی
وعکس حالنده اصول محاکمات جزایه قانون موقتک
یوزیتمشنجی ماده سی حکمنجه غیاباً ایفای معامله
اولنه جغی و اصول محاکمه حقوقیه قانون موقتک
یکریمی التجی ماده سنه توفیقاً تنظیم قلنسان جلبنامہ
محکمہ دیوانخانہ سنه تعلیق اولندیغی اعلان
اولنور

فی ۱۴ جمادی الاخری سنہ ۳۰۵
وفی ۱۵ شباط سنہ ۳۰۳

کیوه قضاسنه تابع خرقة قریه سندن اجد افندیک
قضاء مزبور بدایت محکمده سندن فی ۲۰ کانون
اول سنه ۳۰۳ تاریخلو و ۱۸۰ نومرولی برقطعه
اعلام موجبجه قضاء مزبورک صاری قاضی

قریه سندن عطا افندی ذمتنده لاجغی اولان
مبالغ معلومه نک تسویه سی ضمننده محجوز بولتان
قریه مزبوره داخلنده صغیر بولی نام محمله اوج
دوئم طوت بقیچه سی و محل مزبورده کائن ایکی
اولک کریمی باغی تاریخندن اون بش کون صکره
بالزایده فروخته تشبث اولنه جغندن طالب
اولنلرک کیوه قضاسی بدایت محکمده سی اجراء اتره سنه
مراجعت ایللری اعلان اولنور

فی ۸ شباط سنہ ۳۰۳

فاطمه خانمک در سعادت بدایت محکمده سی ایکنجی
حقوق دائره سندن و یریلان واسئینافاً تصدیق
ایدیلان اعلام موجبجه بیکباشی اسماعیل فہمی
بکہ دینی اولان مبالغ معلومه نک مقابلنده مرهون
وفروختی محکوم بولنسان وفا جوارنده روانی چلبی
محلہ سنده قوغه جیلر جاده سیله جامع شریف
زقاغنده کاش تخمیناً یوز سکسان ارشون عرصه
اوزرینه بینی فوقانی و تحتانی بش اوطله لی و تخمیناً
یکریمی ایکی یچق ارشون وسعتی شامل برقطعه
باغچه بی حاوی ایکی نومرولی بر باب خانہ تمامی
بولندن اقدم بالزایده لیرا یوز غروش حسابیله
اون بیک بشیوز غروشده طالبی عهده سنده تقرر
ایتمکله بولندن زیادہ یعنی یوزده بش ضمیمه

کوندرمز ایسدر حقلرنده اصول بحاکم تجارت
نظامنامه سنک مواد مخصوصه سنه توفیقاً معامله
قانونیه نک اجرا اولنه جغی معلوم اوانی اوزره اعلان
کیفیه ابتدار قلندی

فی ۲۰ جمادی الاخری سنه ۲۰۵

وفی ۲۰ شباط سنه ۲۰۳

احمد شریف بکک $\frac{۲۰۵}{۳۳}$ نومرولی اعلام موجبنجه
مانول اوغلی لازاری به محکوم به دینی اولان
معلوم المقدار مبالغک تسویه سی ضمننده سهل بک
محلله سنده طویجیلر جاده سنده درتیوز یتیش نومر-
ولی برباب سا حلتخانه عرصه سنده لتی حصه
اعتباریله متصرف اولدیغی سدس حصه شایعه-
سنک تاریخ اعلانن اعتباراً اون بش کون صکره
بالمزایده فروخت ایتدیربله جکی قطعاً اعلان اولنور

فی ۱۳ شباط سنه ۹۳

طالب اولنلرک ودهاز یاده معلومات المق استیانلرک
تاریخ اعلانن اعتباراً اوتوز برکون ظرفنده
نظامیه اجرا دائره سنه مراجعت ایللری اعلان
اولنور

فی ۱۵ شباط سنه ۳۰۳

بک اوغلنده اصمعلی مسجد جوارنده درت نومرولی
فرونده مقیم تبعه دولت علیه دن اتمکچی قسطنطی
الاغاندوسک لیون اسکله سنده یکرمی نومرولی
مغازده ساکن ایکن بوندن چند کون اقدام
در سعادتین غیبوت ایتدکری وشمعی ایسه محل
اقتملری مجهول اولدیغی خبر وریریلان تجاردن
ساقزلی قسطنطی و دیتری بامبولاکلی قرنداش-
علیهنه اوله رق باسند و بادفتراشمش ایکی عدد
عثمانلی لیراسی مطلوبات و مبلغ مذکورک تأمین
استیفاسی ضمننده رهین ایدیلان معلوم الحدود
ترالرک معامله فراغیه سنک اجراسی ضمننده
اقامه ایتدیکی دعوانک بیک اوچیوز درت
سنه سی مارتک یکرمی اوچنجی چهارشنبه کونی
ساعت التیده محکمه تجارت ایکنجی مجلسنده
فصل ورؤیتی مقرر ایدوکنندن یوم ووقت مذکورده
مدعی علیه مرقومان محکمه مزبورده حاضر
بولنمز و طرفلرندن سنند مصدقله بروکیل دخی